

《台語囡仔歌 100》自選作品 5 首

1.

<山>

懸懸低低 ê 山

雲，跔 tī 遐

歡喜樂暢

愛嬌毋驚寒

遠遠近近 ê 山

戇戇仔想，愣愣仔看

一目 nih 仔

無看影

瘦瘦肥肥 ê 山

跔 tī 阮心肝

毋驚你凌治 thún 踏

伊是我 ê 靠山


#台語囡仔歌 2023/8/23

跔：住。

暢：thiòng，興奮。

nih：眨眼。

thún 踏：糟蹋。



2.

<海>

目睷擘金
就是一片大海
若 beh 迢迢
做你來

盹龜頤頭
眠夢嘛變大海
你免笑我
愛睏神，通人知

你喙仔笑哈哈
嘛變做一片大海
啊！緊旋～無
連鞭 hōo 你吞腹內

#台語囡仔歌 2024/8/24


擘：peh，打開。

盹龜：tuh-ku，打瞌睡。

頤頭：tìm-thâu，點頭。

旋：suan，逃跑。

連鞭：liâm-mi，馬上。



3.

<雨>

歡喜是雨
悲傷嘛是雨
咱，常在
沃 kah 澹糊糊


查埔是雨
查某嘛是雨
心，若快活
日子就 bē 生菇

管待伊，摔大雨
聽候日頭出來
咱，就有好前途

#台語囡仔歌 2023/8/28

澹：tâm，溼潤。

摔：siàng，丟擲。




4.<冊>

來讀冊
煞愈讀愈感
毋過冊
敢若阮老爸
無讀講 bē 得過

阮老爸，kā 我罾
囡仔人，乖乖讀冊
莫講遐毋成話

來讀冊
宿題遐爾濟
阮老師一直講 bē
bē、bē.....
Bē，有夠感！

#台語囡仔歌 2023/8/31
感：tshéh，討厭。
罾：lé，咒罵。
毋成：m̄-tsiānn，不像樣。
宿題：siok-tê，家庭作業。



5.

< 𣎵饞鬼 >

喺仔開開
目睺激微微
我是一个𣎵饞鬼

數想好食物
啊真厭氣
褲袋仔袋磅子

我是一个𣎵饞鬼
喺仔開開
目睺激微微
若 koh 無好食物
正港會變做鬼

#台語囡仔歌 2023/9/3

𣎵饞鬼：iau-sâi-kuí，愛吃鬼。

數想：siàu-siūnn，妄想。

